

**Տեղեկանք  
2014 թվականի գերակա խնդիրների և միջոցառումների ծրագրի առաջին եռամսյակի իրականացման արդյունքների**

<b>Միջոցառումների իրականացման արդյունքների վերաբերյալ</b>				
<b>Պատասխանատու մարմինը</b>	<b>Ծրագրի կետը</b>	<b>Միջոցառումների անվանումները</b>	<b>Միջոցառումների կատարման արդյունքները</b>	<b>Կարծիք</b>
1	2	3	4	5
<p>ՀՀ տարածքային կառավարման նախարարություն</p>	<p>Հավելված 1, կետ 1</p>	<p>«Արխիվային գործի մասին» ՀՀ օրենքում փոփոխություններ և լրացումներ կատարելու մասին» ՀՀ օրենքի նախագիծը ՀՀ կառավարություն ներկայացնելը</p>	<p>«Արխիվային գործի մասին» Հայաստանի Հանրապետության օրենքում փոփոխություններ և լրացումներ կատարելու մասին» ՀՀ օրենքի նախագիծը ՀՀ օրենսդրությամբ սահմանված կարգով 2014 թվականի մարտի 21-ին թիվ 07/21/1476-14 գրությամբ ներկայացվել է ՀՀ կառավարության աշխատակազմ:</p>	
	<p>Հավելված 1, կետ 2</p>	<p>«Ֆինանսական աջակցություն տրամադրելու մասին» ՀՀ կառավարության որոշման նախագիծը ՀՀ կառավարություն ներկայացնելը</p>	<p>2014թ. մարտի 4-ին թիվ 03/16/1077-14 գրությամբ ՀՀ կառավարություն է ներկայացվել «Մարտական գործողությունների հետևանքով չօգտագործվող և հակառակորդի կողմից հողատարածքների գնդակոծման դեպքեր ունեցող Հայաստանի Հանրապետության սահմանամերձ համայնքների հողի հարկ վճարողների և ոռոգման ջրի օգտագործողների համար 2014 թվականին Հայաստանի Հանրապետության Արարատի, Գեղարքունիքի, Վայոց ձորի, Տավուշի մարզպետարաններին և Հայաստանի Հանրապետության տարածքային կառավարման նախարարության ջրային տնտեսության պետական կոմիտեին գումար հատկացնելու մասին» ՀՀ կառավարության որոշման նախագիծը, որտեղ հաշվի են առնվել ՀՀ պաշտպանության նախարարության կողմից ներկայացված համայնքների ցանկը, համապատասխան մարզպետարանների կողմից ներկայացված նշված համայնքների հողօգտագործողների հարկերը և ՀՀ ՏԿՆ ջրային տնտեսության պետական կոմիտեի կողմից ներկայացված ջրօգտագործողների վարձավճարները:</p>	

**Գերակա խնդիրների իրականացման արդյունքների վերաբերյալ**

Պատասխանատու մարմինը	Ծրագրի կետը	Գերակա խնդիրները	Գերեկա խնդրի կատարմանն ուղղված քայլերը	Կարծիք
1	2	3	4	5
<p>ՀՀ տարածքային կառավարման նախարարություն</p>	<p><u>Հավելված N 2</u>  կետ1.</p>	<p><b>Բարելավել համայնքների բյուջեներին պետական ֆինանսական օժանդակության համակարգի արդյունավետությունը, կատարելագործել ֆինանսական համահարթեցման մեխանիզմները՝ տարբերակելով համայնքներին ցուցաբերվող օժանդակությունը</b></p> <p>- ՀՀ պետական բյուջեից համայնքային բյուջեներին տրամադրվող համահարթեցման դոտացիաների տրամադրման նոր մեխանիզմների անհրաժեշտ օրենսդրական հիմքերի ստեղծում այն հաշվով, որ դրանք լինեն ավելի նպատակային, հաշվի առնեն համայնքների միջև առկա օբյեկտիվ տարբերությունները՝ հատկապես եկամտային ունակությունների և ծախսային կարիքների մասով.</p> <p>- գնահատել սեփական լիազորությունների իրականացման համար անհրաժեշտ ֆինանսական միջոցների ծավալները, պարտադիր լիազորությունների իրականացման կարգերի, չափորոշիչների ու նորմատիվների ներմուծմամբ պայմանավորված դրանց դինամիկան:</p>	<p>Ֆինանսական համահարթեցման ՀՀ նոր օրենքի ընդունման անհրաժեշտությունը պայմանավորվում է նրանով, որ ֆինանսական համահարթեցման համակարգը գործում է 1998 թվականից, երբ տեղական ինքնակառավարման մարմինները նոր էին կազմավորվել և նրանց բյուջեների եկամտային մասերն ու ֆինանսական կարողությունները շատ փոքր էին: Բացակայում էին ֆինանսական կարողությունների համահարթեցման առավել բազմազոր ընդհանուր կիրառելի համար անհրաժեշտ հաշվարկային տվյալները: Ներկայումս իրավիճակը փոխվել է, ինչով և պայմանավորված է ֆինանսական համահարթեցման նոր օրենքի ընդունման անհրաժեշտությունը:</p> <p>Ելնելով Հայաստանի տեղական ինքնակառավարման առանձնահատկություններից և հաշվի առնելով ֆինանսական համահարթեցման նախորդ տարիների փորձը՝ առաջարկվող ֆինանսական համահարթեցման նոր համակարգը կառուցվելու է մի քանի հիմնարար սկզբունքների հիման վրա՝</p> <p>- հաշվի առնելով ՀՀ համայնքների բյուջեներում սեփական եկամուտների ցածր մակարդակը՝ ֆինանսական համահարթեցման համար համայնքներին տրամադրվող դոտացիաները պետք է հատկացվեն պետական բյուջեի միջոցներից՝ բացառելով ավելի հարուստ համայնքների եկամտային մասից այդ նպատակի համար միջոցների գանձումը (բացասական դոտացիա),</p>	

			<p>- համահարթեցման սկզբունքով համայնքներին հատկացվող դոտացիաների հաշվարկման համար հիմք են ընդունվելու համայնքի հաշվարկային եկամտային ունակությունների և համայնքների պարտադիր լիազորությունների իրականացման համար անհրաժեշտ ծախսային կարիքները:</p> <p>Ֆինանսական համահարթեցման ՀՀ նոր օրենքի նախագծի լրամշակման աշխատանքները արդեն սկսվել են:</p> <p>Եվրոպայի խորհուրդ - Հայաստան գործողությունների ծրագրով մեկնարկած “Աջակցություն Հայաստանում տեղական ժողովրդավարության ամրապնդմանը” ծրագրի շրջանակներում ներգրավվել է տեղացի փորձագետ, որի հետ համատեղ լրամշակվելու է նոր օրենքի նախագիծը՝ հաշվի առնելով Ստրասբուրգի համալսարանի փորձագետի առաջարկությունները:</p> <p>Ուսումնասիրվելու է միջազգային փորձը մասնավորապես այն երկրների, որտեղ ներդրված համահարթեցման մեխանիզմները համարվում են ավելի հաջողված, և կիրառելիության առումով ավելի մատչելի:</p> <p>Իրականացվելու է ուսուցողական այց՝ տեղերում ծանոթանալու լավագույն փորձին և համայնքներում ֆինանսական համահարթեցման մեխանիզմների կիրարկման արդյունքներին: Նախատեսվում է նաև ոլորտի միջազգային և տեղացի ճանաչված այլ փորձագետների ներգրավում օրենքի նախագծի վերջնական իրավական փորձաքննության և գնահատման համար:</p>	
	<p><b>Հավելված N 2 կետ2.</b></p>	<p><b>Համայնքների խոշորացման պիլոտային ծրագրերի մեկնարկ</b></p> <p>- խոշորացվող համայնքներում տեղական հանրաքվեների կազմակերպմանն ուղղված նախապատրաստական աշխատանքների իրականացում.</p> <p>- վարչատարածքային բարեփոխման</p>	<p>2014 թվականի 1-ին եռամսյակում համայնքների խոշորացման գործընթացն ընթացել է մի քանի ուղղություններով.</p> <p>- համայնքների խոշորացման ծրագրերի իրականացման համար անհրաժեշտ իրավական ակտերի նախագծերի մշակման նախապատրաստում, ընդ որում «Տեղական ինքնակառավարման մասին» Հայաստանի</p>	

		<p>իրականացման համար անհրաժեշտ իրավական ակտերի նախագծերի մշակում և դրանք ՀՀ կառավարությունում քննարկելը:</p>	<p>Հանրապետության օրենքում փոփոխություններ և լրացումներ կատարելու մասին» և «Վարչատարածքային բաժանման մասին» Հայաստանի Հանրապետության օրենքում փոփոխություններ և լրացումներ կատարելու մասին» ՀՀ օրենքների նախագծերն արդեն իսկ մշակվել են.</p> <ul style="list-style-type: none"> <li>- գործընթացի վերաբերյալ հանրային իրազեկման աշխատանքների իրականացում՝ տարատեսակ պարզաբանումների տրամադրում (համայնքների բնակիչների, մարզային և համայնքային պաշտոնյաների և քաղաքացիական հասարակության ներկայացուցիչների հետ հանդիպումների կազմակերպում խոշորացվող համայնքներում, ՀՀ տարածքային կառավարման նախարարության նիստերի դահլիճում, հեռուստատեսությամբ, տպագիր և էլեկտրոնային լրատվամիջոցներին հարցազրույցների կազմակերպում և այլն):</li> <li>- համագործակցություն միջազգային կազմակերպությունների հետ:</li> </ul> <p>Մասնավորապես.</p> <ul style="list-style-type: none"> <li>- ս.թ. մարտի 5-ին ՀՀ տարածքային կառավարման նախարարության նիստերի դահլիճում կայացել է «Հայաստանի Հանրապետության համայնքների խոշորացման գործընթաց» թեմայով քննարկումը, որին մասնակցել են ՀՀ Ազգային ժողովի, ՀՀ հանրային խորհրդի, տեղական հասարակական և միջազգային կազմակերպությունների, զանգվածային լրատվամիջոցների ներկայացուցիչները: Քննարկումների ընթացքում հնչեցրած հարցերի և կատարված առաջարկությունների արդյունքում մշակվել են երկու հարցաշարեր, նախատեսված հասարակական կազմակերպությունների և լայն շրջանակների, ինչպես նաև փորձագիտական և մասնագիտական շրջանակների համար: Հարցաշարերը զետեղվել են ՀՀ տարածքային կառավարման նախարարության պաշտոնական կայք-էջում:</li> <li>- նախարարության պաշտոնյաների կողմից կատարվել են այցեր՝ ՀՀ Սյունիքի (Տաթևի և Մեղրու</li> </ul>	
--	--	--	---	--

			<p>համայնքային փնջերի պիլոտային ծրագրերի քննարկում), ՀՀ Վայոց ձորի (Ջառիթափի և Ջերմուկի համայնքային փնջեր), ՀՀ Տավուշի (Դիլիջանի համայնքային փունջ) և ՀՀ Լոռու (Թումանյանի համայնքային փունջ) մարզեր, որտեղ վերջիններս հանդիպել մարզային և համայնքային պաշտոնյաների և քաղաքացիական հասարակության ներկայացուցիչների հետ, քննարկել համայնքների խոշորացմանն առնչվող առավել խնդրահարույց հարցեր:</p> <p>- ս.թ. մարտ ամսին Գերմանական միջազգային համագործակցության ընկերության աջակցությամբ կազմակերպված, փորձի փոխանակման նպատակով Վրաստանի Հանրապետություն կատարված այցելության ընթացքում ուսումնասիրվել է Վրաստանի օրենսդրությունը (տեղական ինքնակառավարման և ընտրական ոլորտները), ինչպես նաև այնտեղ իրականացված վարչատարածքային բարեփոխումների մոդելը:</p>	
	<p><b>Հավելված N 2 կետ3.</b></p>	<p><b>Քաղաքապետարանների (գյուղապետարանների) աշխատակազմերի, ինչպես նաև համայնքային ենթակայության հիմնարկների կառուցվածքի և կազմի օպտիմալ մոդելների մշակում</b></p> <p>- քաղաքապետարանների (գյուղապետարանների) աշխատակազմերի, ինչպես նաև համայնքային ենթակայության կազմակերպությունների հաստիքացուցակների ու համայնքային ծառայության պաշտոններ զբաղեցնող անձանց մասին տեղեկատվական բազայի ձևավորում.</p> <p>- քաղաքապետարանների (գյուղապետարանների) աշխատակազմերի աշխատողների առավելագույն թիվը սահմանելու</p>	<p>Տեղեկատվական բազայի ձևավորման էլեկտրոնային ծրագիրը մշակվել է, և ներկայումս այն գտնվում է տվյալների ներբեռնման և, դրան զուգահեռ, ծրագրի գործիքակազմի շտկման փուլում:</p> <p>Ներկայումս վերլուծվում են ՀՀ բոլոր համայնքների (քաղաքապետարանների, գյուղապետարանների) աշխատակազմերի, ինչպես նաև համայնքային ենթակայության հիմնարկների 2014 թվականի</p>	

	<p>վերաբերյալ առաջարկությունները ՀՀ կառավարություն ներկայացնելը, ինչպես նաև համայնքային ենթակայության կազմակերպությունների աշխատողների թվի օպտիմալացման վերաբերյալ մեթոդական առաջարկությունների մշակում.</p> <p>- քաղաքապետարանի (գյուղապետարանի) աշխատակազմի, համայնքային ենթակայության կազմակերպությունների աշխատողների նվազագույն աշխատավարձերի բարձրացմամբ պայմանավորված՝ 2014 թվականին անհրաժեշտ քայլերի ձեռնարկում:</p>	<p>հաստիքացուցակները՝ դրանք համադրելով 2013 թվականի հաստիքացուցակների վերլուծության արդյունքների հետ, որի արդյունքներով կմշակվեն ՀՀ կառավարություն ներկայացվող առաջարկությունները:</p>	
--	---	--	--